

清代漕運全書

(清) 載齡等修纂



北京圖書館出版社

清代漕運全書



4

北京圖書館出版社

(清)載齡等纂修

第四冊

欽定戶部漕運全書(四)

漕運河道	一
河閘禁令	三
修建閘壩	一三
衛河挑濬	四三
挑濬事例	八七
險隘處所	一八五
隨漕解款	二六三
輕齎額征	二六五
正兌輕齎	二九五
改兌易銀	三〇三
席木額征	三〇七
隨漕席片	三四九

隨漕竹木	三五九
徵解通例	三八三
京通糧儲	四〇一
倉場職掌	四〇三
京通各差	四〇九
官役公費	四八五
置辦運袋	五〇五
置辦官車	五一三
倉廠號房	五二五
修建倉廠	五五三
號房潮溼	五九七
建造斛隻	六〇一
收買米石	六〇七
收受糧米	六一九
餘米簞羨	七二一
買餘抵補	七四七
餘米糶變	七五七

欽定戶部漕運全書卷四十二目錄

漕運河道

河閘禁令

修建閘壩

河開禁令

一漕船緯夫中途患病沿河開官及管河主簿
巡檢驗看明白撥夫送至普濟堂如隔普濟堂
寫遠者暫送附近菴觀官給口糧調養病痊令
回本籍或病重難救先問姓名死後殮埋義塚

乾隆

二年

一東省運河各開沿河鎮道文武員弁催僱漕
船如遇春夏水微之時務遵漕規啟閉如上下
會牌已到而開官尙未啟板一面暫令開閘放

船詳報總河總漕查叅如會牌未到不得逼勒
啟板其會牌亦不得稽遲如河水充足相機啟

閉以速漕運總不得兩閘齊開過洩水勢

乾隆二年

一裏河五閘向於漕務竣後開閘放水挖修堤

岸乾隆二年奏准於每年霜降後啟板放水各

閘板畱四五塊俾小民得拉拽冰牀便於行旅

一五閘運河乾隆四年奏准於春初令慶豐等

閘閘官於沿河一帶堤旁率令閘夫栽種柳樹

以固堤根

一江都三汊河為瓜儀二河口門而瓜洲地勢
卑下淮水分入瓜河之數常多分入儀河之數
常少以致儀河水緩沙停不能刷深乾隆六年
奏准將三汊河入瓜洲舊口門閘壩堵閉於洋
子橋管房迤下另挑越河以減淮水直入瓜河
分數俾儀河得以刷深濟運又將瓜洲廣惠閘
上之舊越河堵閉另於閘下開挑越河以俾水
勢均平

一大通等閘每逢秋令水旺之際俱各嚴閉蓄

水以濟漕運

乾隆十四年

一東省運河修墊緯路整理閘座加修民埝挑
濬淤淺乾隆二十二年經總漕楊錫紱奏准

一豫東二省黃河灘地民間租種恐水漫被淹
增築私埝河身漸逼一遇汎水漲發易於衝潰
地方官嚴行查禁不許再行培築以礙河防

乾隆

二十
三年

乾隆二十三年總督尹繼善奏請重運過後
將駱馬湖尾閘早行開放使湖面騰空以待汎

水奉

旨准行并令勒石湖濱永遠遵守

一內河撥運倉糧之際向例不准商船行運乾隆二十五年奏准如有米糧雜貨裝載進城者仍聽其用小船撥運分岸行走其有攙越漕運大船阻礙緯道者聽沿途催漕官兵管束

一高郵州等處減水閘壩概行堵塞恐妨運河

仍照舊於四六兩月隨時啟閉

乾隆二十八年

一駱馬湖之王家溝柳園頭兩閘向例必俟江

廣船到始行開放乾隆三十年奏准嗣後水小之年江浙船至則開柳園頭閘江廣船至則開王家溝閘以濟運行如江浙船至河水足用卽柳園頭閘亦可毋庸開放倘運河水小卽王家溝閘亦可並開毋庸過於拘泥二閘未經設有閘官嗣後應將閘務卽令宿遷縣縣丞經營每年重運經臨常川住閘看守仍令該管廳營隨時酌量需水尺寸以定啟板多少繩索器具交該縣丞收管以專責成

一高平閘關全河水勢若不定以啟閉之期恐
重運遄行衛河需水有費周章乾隆三十九年
奏准於每年四月初五日起五月十五日止將
高平閘下板堵閉俾洹河全流歸衛濟運過此
悉聽民便於漕運民田均有裨益

一山東洸河廳所管河道與江境接壤爲入東
門戶境內有微山一湖宣節機宜最爲緊要嘉
慶十四年專管同知李大業於所管微山湖存
水七尺二寸計可放之水僅存二寸有餘該廳

未經預爲籌及先行移知該縣備辦撥船毫無設施以致每一幫入境行走兩三月之久由河東河道總督奏奉

旨將玩視漕運之迦河同知李大業革職仍畱於該省幫辦湖工及應用撥船等事宜如漕船無悞再由該督奏明准其開復欽此

一宿遷縣境內之駱馬湖上承東省蒙沂各山泉之水每年秋冬儲蓄次年由沿湖之王柳二閘及駐車頭竹簍壩口門啟放入運僅能宜濟

宿遷以下運河其邳汎上游卽不能得其利定制存水至一丈九尺以外卽將該湖之尾閘五壩啟放由六塘河歸海以洩盛漲乾隆五十年大學士公阿桂等奏准湖內灘地恐愚民開墾有盜決隄堰之事嚴行禁止耕種不准藉名陞科侵佔嘉慶十五年漕運總督許兆椿奏明駱馬湖濟運引渠日漸淤高欽奉

上諭著該河督會同該督撫派委明幹大員妥爲清理其墾種已久無礙河渠者可仍循其舊如有私墾湖

灘致妨水道者嚴行禁止等因欽此

一嘉慶二十二年經御史盧浙奏准江南山東
運河一帶閘壩重疊漕船經行提溜打閘必須
添僱人夫責成閘官專司其事所有漕委員弁
一概不許干預如閘官有浮設官纜多索大價
者查出嚴參

修建閘壩

一八閘之內得勝閘至張莊閘係十二里直河水難停蓄易致淺阻雍正二年議准於六里石地方草壩處所建石閘一座比閘頂矮六尺水小則收蓄大則聽其漫頂順流

一雍正二年於邳州黃林莊以至三汊河建立河清河定河成三閘蓄水濟運

一汶上縣新河頭係馬踏湖入河濟運之處雍正三年題准將土壩改建石閘啟閉

一河南漕糧自衛輝北行經汲濬內黃湯陰等處溜沙石岡不能建閘蓄水向遇重運入境或派人夫緯輓或用小船撥載雍正二年題准令地方官相度地宜水勢於淺澀處所每年建築草壩束水浮舟其餘淤淺膠泥並設淺夫臨期刨挖及時疏濬

一宿遷之竹絡壩外臨黃河內臨運河係康熙二十八年挑濬中河告成之後河臣王新命請建竹絡壩一道以備黃湖漲溢清水弱則引黃